

اسلام دنیایی

(۱۹۱۳)

عدد	۳۳۱	ربیع الآخر	۶	سنه
۱	۳۲۹	مارت	۶	جمعه ایرتسی

ایدنلردنم... بناءً علیه بنجه خلقه کیتیمک ، خاق
ارشاد ایتیمک ایچون الک الویرشلی و دوعری
طریق جامع ، منبر یولیدر ...

خادم الدين



اسلامك ترقیسی یالکیز (اصول تربیه)

نک تنظیمی ایله اوله جقدر ا

دین اسلام ایله متدین ملنلرده ، بر قاج
عصر دینری عمومی بر انحطاط باش کوستردی ،
هله صوک بش اون سنه ظرفنده بو انحطاط ،
بر سرعت مدعشه ا کتساب ایتدی :
بلکه اون فرانسه یه معادل فاس قطعه
عظیمه می بوتون تاجیه تخیله ، اون ملیون
نفوسیه ، فرانسه یه کردنداده انقیاد اولغه مجبور
اولدی ، ایران ایکی پارچه یه آریلدی ، طرابلسی
ایتالیانک الیدن قورنارمه نک امکانی اولدی ،
روم ایلی باشدن باشه قائله صولاندی ، متفکرک
قائل چیزمه لری آلتنده قالدی . بوتون شووقایع
آراستنده غالب و مغلوبلرک دینلری نظر اعتباره
آنیرسه کورولورکه علی العموم (خرسیتیانلق)
غالب و دین اسلامه متدین قوملر و ملتار ، همان
هر یرده مغلوب اولشلردر . استقلالنی یاخود
حال حاضرینی محافظه ایدن اسلام مملکتلرنده

مساعینک شدله طرافداری اولقله برابر بالناسبه
خطبه لریمزدن واساساً خلقه کیتیمک ایچون احداث
اولنان بو یوللردن بحث ایده جکم ...

اسلامک بایرام ، جمعه خطبه لرینک - شکل
اعتباریه - قیمت اجتماعیه لری نه قدر بیوک ،
نه قدر علوی در ... کره ارض اوزرنده نه قدر
اسلام وارسه هپی اوبک اوبک هفته ده بر ،
سننده ایکی دفعه عبادتخانه ده ، الاله نه ونده کمال
خشوع و صفوته اجتماع ایدر ، طوبلانیرلر و بو
اجتماعه بر مجبوریت وجدانیه و دینیله اشتراک
ایدرلر .

ایشته بو اجتماع ده اراد اولنان خطبه لر
نه قدر بیوک اهمیتی حاضردر ، خلقه کیتیمک
اسلامی ، موحدینی ارشاد ایچون نه اله کچمز
بر نعمت در ... و صلاوة جمعه ایله امر ایدن خلاق
عظیم حضرتلرینک حکمت الهیه سندن بری ده البته
بودر . نتکیم بلاد عربده خطیبک اقتداری
نسبتنده پک چوق استفاده لر ایدلمکده در ...

فقط بزم جامعارده اوقونان خطبه ده بو
حکمتدن بو قیمتدن بر اثر قالمش-میدر ؟ ایشته
میدانده ...

بن اسباب انحطاط میزی ده چاره نجات میزی ده
- باش-ایچه - جامعارده ، بالخاصه خطبه لریمزده
آرایانلردن و روسیه ده ، سائر یرلرده اولدینی
کی جمعه خطبه لرینی آنادیللی [*] ایله اوقومغه
باش-لار . باشلاماز چوق شی قزانه جغیزه اعتقاد

[*] اسلام دنیاسنک ایکسینی نسخه سنه اومسکیلی
نیاز محمد سلیمانوف اقتدیشک یازدینی و اونودینی
ترکجه خطبه لردن بری درج ایدیه جکدر .

ایسہ ، استقبال ایچون بزم خیرلی امیدلر و بزم جک
علامات هنوز یوق ؛ یعنی او حکومتار یا خود
قوملر دما و جور و مک کنارنده بکلورلر کی برشی .

بوسقوط متسلک سینی آکلامق ایچون
سقوط این قومارک تربیلرینی تدقیق ایتمک
کافیدر ؛ کورده جکمز شی غایت بسیطدر :
مملک اسلامیتهک هیچ بر نقطه سنده (اصول تربیه)
بر غایه معینه توجیه ایدیله ممشدر ، یا خود ، دها
عمومی بر تعبیر ایله ، اورالرده تربیه تنظیم
اولونه مامشددر . اسرار انکیز علومک محل
ا کتسابی اولدینی ادعا ایدیلن مغرب مدرسہلری
خاطرہ کلمز که علم جفر ، علم کھانت ، علم النجوم
کی شیلرله اشتغال ایدیللین ، بالعکس ایکی
کره ایکی دوت ایدر قدر بسیط و عملی مسائل
اولون او کرده مدیکارندن طولاییدر که باشند
باشه خرابه زاره دوشمش ا بروقتار اقطار اسلامیته
مجنهدلر ، علامه لری یتشدیرن بخارا مدرسہلرنده
بوکون صقل بیتی غوغا سندن باشقه هیچ برشی
کورده مزسکز . الآن دخی پک مبذول اولان
ایران مجنهدلری ایسہ نازکیله بی حرام قیلیمق
وبالآخره بر حیلہ شرعیسنی بولوب او حرامی
رفع ایتکله مشغول بولونیورلر . حال حاضرده
اسلامک ا بویوک علم کرسیلرندن بریسی اولان
مدرسہالزهرک اصلاحی مسئلهسی مصرده عادتاً
وخیم بر مسئله سیاسی شکلی آلدینی دها
اونونه جق زمان کچمدی . والحاصل هریرده ،
هر دیارده نور حقیقه قارشی عمومی بر کوز
یومہ ، دها اصحی ، حقیقتک ضایسندن دبدہ خفاش
مثالو متأثر اوله بردوامدر .

بوکا مقابل مرطرفده قدرت و غالیته قازانان
خرستیانارده ایسہ منتظم و مکمل مدرسہلر ،
مکتبلر ، دارالفنونلر میدانہ کتیرلشدر .

یکرمنجی عصرک بر حقیقت ریاضیه حاله
کلش دستورلرندن بریسی شودر : « بر مملکت
درجه قوت و مدنیته ، مالک اولدینی مکتبلرک
عددیله مبسوطاً متناسبدر . ، بوراده (مکتب)
کله سندن مقصد ، دوت دیوار آراسنده برخواجه
وبرقاج طلبه دیملک دکادر ، اسکی زمانلرده بویله
یرلر ، یونام و بریله بیلیردی . فقط زمانمزده هر
قسم صنعت و مسلکده اولدینی کی مکتبجیلک
دخی غایت دقیق و مضبوط بر صنعت حاله کلش
اولدینندن تدریسات وقوع بولان هریر ، علم تربیه ،
اصول تدریس کی مکتبلرله رابطه لایتنکی اولان
بر طاقم علوم و اصولک ساحه تطبیقی اولیق الزمدر .
اسلامی انحطاط بلی سندن قورتارمق ایچون
مدنیته دنیاسنک استفاده ابتدیی (مکتب)
اصوانی مملک اسلامیتهک هر گوشه سنده تعمیم
ایتمک واجبدر . اقوام اسلامیتهک اک شدید
احتیاجی ، حقیقی مصلحلر دیملک اولان مقتدر
معلملر در . بوکون یوم یوش طوران ، علوم
وفنون حقیقیه به قارشی توزلو و مظلم بر وضعیت
آلان مدرسہلر ، باشند باشه اصلاح وتنظیم
ایدلی و دنیادهده اخرا دهده فائدهلی اوله جق بر
حاله ارجاع اولونمالیدر .

وقتیله یوقدر محققین و مدققین یتشدیرن
مدرسہلرک بو کونکی حال غرابت اشمالری
انسانه جداً حزن و بریور .
ایشته هرشیدن اول بو مؤسسانک اصلاحی

و کوبلر بمزده ده چو جقلره بر روح دینی و ملی
و بره یله جاک مکتبلر احداثی الزمدر .

معلم

م . نوری

تاریخ اسلام صحیفه لر مزده :

عبوتلی وقعه لر

و

احد مغلوبیتی

نور اسلامینک سرعتله انتشارندن اهل
قریش پک مأیوس ایدیلر، دین اسلامه کیرنار ،
نائل هدایت اولانلرک کوندن کونه تزیایدایتدیکی
کوردکجه صوک درجه مکدر اولیورلردی . . .
ضیای نبوتک توسیع دائره ایتمدن اطفاسی ایچون
جوق اوغراشدیلر، اللرنندن کان هرشیئی یاپدیلر،
موفق اوله مدیلر

وقناکه حضرت فخر کائنات مکدن مدینه یه
هجرت بیوروب مهاجرین ایله انصاری توحید
وقوه اسلامیه نی تأکید ایلدکدن صوکره هجرنک
ایکنجی سنه سنک رمضان آینده اهل قریش-ه
رسا میدان او قودی و (بدر) نام محله ایکی
اردو قارشولاشدی

وقعه بدر دینکله معروف بوبرنجی محاربه ده
دشمانک عددینه نسبتله پک آز ، اوچیوز بدی
نفردن عبارت اولان بوبرنجی اسلام اردوسی ،
کوستردیکی غیرملر ، خارقلر سایه سنده دشمنان
اودرجه منهزم ، اومرتبه پریشان ایدیلر ، که

محاربه ده بالذات بولنه میان ابواهب بومغلوبیتی خبر
آلدینی زمان ، قهرندن ، کینندن چاتلادی،
و اولدی

بدر وقعه سی مشرکینک کوزینی بیلدیرمدی
بلکه عکس تأثیر حصونه کتیره رک اولرده
مدعش بر حس انتقام اویاندیروب مسلمانلره
قارشو غیظ و کینلرینی، عداوتلرینی تشدیدایتدی.
بناء علیه آرتق اهل قریشک یکانه املی تمامیه
حاضرلانیوب مناسب بر وقتده هجوم ایدهرک
اسلاملری محو و پریشان ایله مکدن عبارتدی .

ایشته بومقصدی تأمین ایچون در حال هر طرفه
بلیغ، فصیح خطیلر جیقاروب خالق اهل اسلام ایله
محمد (صلی الله علیه و-لم) ایله حرب نش-ویق
وتشجیع ایتدیلر، مادی برطاقم فداکاراق اختیار
ایدوب شام نچارنندن حاصل اولان الهی بیک
آلتون آقچه پی ده بو اوغورده صرف ایتمک قرار
ویردیلر ونهایت بوغیرت متمادیه سایه سنده برسنه
ظرفنده ایستدکاری کی حاضرلانه بیلدیلر

رؤسای قریشدن^{***} ابو سفیان بن حرب
معینده کی اوج بیک کشیک ، مکمل ، مساح
اردو ایله جبل احد جوارینه کلوب مسلمانلار
ایله تکرار محاربه ایتمک ایسته دیکی وقت هجرت
نبویه نک هنوز اوچنجی سنه سی ایدی . یعنی
بدر وقعه سندن برسنه کچمشدی ..

جناب پیغمبر اهل قریشک بدر سه-له سی
هضم ایدهمیه جکلرینی و بناء علیه بونک انتقامی
آلغه چالیشه جقلرینی بیلدکاری ایچون ابوسفیانک
احد جوارینه کلدیکنی آکلایجه ابشک وخامت
واهمیتی ادراک بیوروب مشاوره ایچون در حال